

四庫全書

史部

欽定四庫全書

欽定大清會典卷四十二

禮部

祠祭清吏司

陵寢

凡

山陵

肇祖原皇帝

興祖直皇帝

景祖翼皇帝

顯祖宣皇帝陵曰

永陵在

興京

啓運山距

盛京二百四十里

原皇后

直皇后

翼皇后

宣皇后各合葬

太祖高皇帝陵曰

福陵在奉天府之承德縣

天柱山距

盛京二十里

孝慈高皇后合葬

太宗文皇帝陵曰

昭陵在奉天府之承德縣

隆業山距

盛京十里

孝端文皇后合葬

孝莊文皇后陵曰

昭西陵在順天府之遵化州

昌瑞山之南

世祖章皇帝陵曰

孝陵在順天府之遵化州

昌瑞山距

京師二百四十里

孝康章皇后合葬

孝獻皇后祔葬

孝惠章皇后陵曰

孝東陵在

昌瑞山

孝陵之東

聖祖仁皇帝陵曰

景陵在

昌瑞山

孝東陵之東

孝誠仁皇后合葬

孝昭仁皇后

孝懿仁皇后

孝恭仁皇后祔葬

敬敏皇貴妃從葬

世宗憲皇帝陵曰

泰陵在易州

永寧山距

京師二百八十里

孝敬憲皇后合葬



敦肅皇貴妃從葬

孝賢皇后陵寢在

昌瑞山

孝陵之西均設禮部工部內府奉祀各官暨官兵人役  
以重守衛以供灑掃又各設牛羊圈置吏以飼  
犧牲各設莊園置長以供築盛界內禁止樵採  
歲時祭饗

國有大慶則告○

孝陵

景陵

泰陵

特命王公大臣侍衛前往守護○

永陵饗殿曰

啟運殿

福陵以下均曰

隆恩殿各設龍鳳寶座几案後為

寢室設神龕寶牀帷幔衾枕櫛梳以奉

神主大饗將事於

隆恩殿展謁

山陵拜於

寶城前

凡謁

陵之禮

皇帝展謁

山陵或躬祭

山陵前期行展謁禮是日不啟

隆恩殿門禮部堂官二人於降輿處恭候

皇帝素服扈蹕王公百官咸素服

皇帝至

隆恩門外兩廂南降輿禮部堂官二人恭導

皇帝由

隆恩門

陵寢門左門入至

寶城明樓前祭臺北正中行三跪九拜禮不贊鴻臚官  
引王以下各官咸按翼於

陵寢門外東西上北面序立隨行禮有司進奠几酒罍  
於拜位前正中

皇帝詣几前北嚮跪羣臣東西面跪進爵大臣進爵  
皇帝三祭酒每祭行一拜禮興東立西嚮舉哀王公  
百官隨行禮舉哀畢禮部堂官恭導

皇帝出以次詣各

陵行展謁禮儀同至

孝賢皇后陵寢禮部堂官不導引

皇帝乘輿由中門入自

饗殿左直至

明樓前階下降輿陞階旁坐祭酒鴻臚官引王公百

官於

大門外按翼北嚮行三跪九叩禮興東西面立

皇帝祭酒時行禮舉哀是日遣王公大臣詣

景陵皇貴妃園寢

妃園寢行禮

凡恭遇

皇太后

皇后謁

陵之禮守

陵女官二人自

隆恩門恭導

皇太后進

隆恩門至殿階下左旁降輿

皇后

貴妃

妃

嬪至

隆恩門內降輿公主於門外扈從婦女於橋南各下



車馬女官二人恭導

皇太后

皇后至

寶城明樓前祭臺北

貴妃

妃

嬪於祭臺旁公主等於祭臺南行六肅三跪三拜

禮執事女官進奠几於拜位前正中

皇太后詣几前北嚮正中跪

皇后

貴妃

妃

嬪公主等西嚮跪女官進爵

皇太后三祭酒每祭行一拜禮興東立西嚮舉哀

皇后等均隨行禮舉哀畢女官恭導

皇太后

皇后至降輿處乘輿還行宮如至

孝賢皇后陵寢

皇太后乘輿由中門入至

明樓前降輿旁坐祭酒

皇后率

貴妃

妃

嬪公主降輿行禮如前儀

凡恭謁

盛京

祖陵之禮

皇帝親詣

盛京展謁

祖陵

駕發前一日

皇帝親祇告於

奉先殿啟鑾日陳騎駕鹵簿不作樂導從扈衛與

時巡同

午門鳴鐘不隨從王公百官咸常服跪送於

午門外

鑾輿所經守土官咸常服跪迎道右如儀

駕至

興京先期

盛京文武各官咸朝服出境跪迎朝鮮國王遣使

表請

起居至日恭謁

永陵

皇帝素服由行營乘輿出王公內大臣侍衛三品以上官咸素服從

皇帝至

永陵正門之右垣側降輿禮部堂官二人恭導

皇帝由左門入進

啟運門左門至

寶城前立鴻臚官引王公於

啟運殿左右百官於門外按翼序立

皇帝就拜位率羣臣行三跪九拜禮興有司進奠几  
於拜位前正中

皇帝詣几前北嚮跪羣臣東西面跪進爵大臣進爵  
皇帝仰瞻

四陵各三祭酒每祭行一拜禮興東立西嚮舉哀王公

百官隨行禮舉哀畢禮部堂官恭導

皇帝出至右垣側乘輿還行營翼日

皇帝御禮服羣臣咸朝服行大饗禮如儀禮成

賞賚守

陵官兵有差是日遣官致祭

永陵內祔葬之武功郡王恪恭貝勒墓其附近之覺羅  
等祖塋皆遣官往奠

駕至



盛京日恭謁

福陵至紅門外左門降輿禮部堂官恭導

皇帝入

隆恩門左門至

寶城前率羣臣行三跪九拜禮有司進奠几進爵大臣

進爵

皇帝詣几前北嚮跪三祭酒每祭行一拜禮興東立

西嚮舉哀衆皆隨行禮舉哀畢禮部堂官恭導

皇帝出陞輿還行營翼日行大饗禮禮成

皇帝即往謁

昭陵翼日行大饗禮儀均與

永陵同是日分遣官致祭

福陵之

壽康太妃園寢

昭陵之

宸妃

懿靜大貴妃

康惠淑妃園寢○

皇太后

皇后謁

祖陵之禮

皇太后率

皇后

貴妃

妃

嬪至

永陵啟運門前降輿至門下行六肅三跪三拜禮女官

設奠几進爵

皇太后北嚮跪仰瞻

四陵各三祭酒每祭行一拜禮

皇后

貴妃

妃

嬪隨行禮興西嚮舉哀如儀

福陵

昭陵於正門之右門內降輿至

寶城明樓前行禮各祭酒三爵餘儀與謁

永陵同祀事禮成

賞賚守

陵官兵及

盛京官兵各有差○越日

皇帝親臨克勤郡王暨功臣武勲王揚古利信勇公  
費英東果毅公額宜都墓祭酒其餘親王貝勒  
及大臣墓皆以次遣官往奠

皇帝回鑾守土官咸朝服跪送如前

駕至京在京王公百官咸朝服跪迎候

皇帝還宮皆退○翼日

皇帝以恭謁

祖陵禮成親祇告於

奉先殿禮部奏請擇吉行慶賀禮儀與三大節同

凡大饗之禮歲於忌辰清明孟秋望冬至歲

暮及

國有慶典行大饗禮是日恭請

帝

后神位奉安於

隆恩殿寶座南嚮如

皇貴妃同殿設位於西旁東嚮

帝

后同案共牛一羊二

以一羊代豕

尊四各奉先制帛一羹飯

脯醢一筵

計十八盤

餅餌果品一筵

計六十五盤

茶盃一

金盃座一金爵三爵墊

金七一金箸一雙帛共筐牲

共俎尊實酒䟽布冪勺具夏則薦瓜

孝賢皇后陵寢用素帛餘同

皇貴妃各素帛一羹飯脯醢一筵

計十八盤

餅餌果品



一筵計五十盤餘同○恭遇

皇帝親詣行禮禮部堂官詣

行宮告時

皇帝素服乘輿出行宮內大臣侍衛前引後扈如儀

凡陪祀扈從王公百官及執事官咸素服

皇帝至

隆恩門外兩廂南降輿贊引太常卿二人恭導

皇帝入東旁大次內府奉祀官恭請

神位奉安

寶座鴻臚官引扈蹕王公於兩廂前引各官豫進至  
隆恩殿階下兩旁北上東西面序立禮部堂官奏請

行禮

皇帝出大次前引大臣十人前導後扈大臣二人隨  
從贊引官恭導

皇帝入

隆恩門左門陞正面左階入

隆恩殿左門東立西嚮鴻臚官引王等於階上兩旁東

西面序立內府官獻茶畢贊引官恭導

皇帝至拜位前北嚮立鴻臚官引王公百官各就班

位均東西上北面序立典儀官贊執事官各共

迺職

以下奠獻送祝帛均典儀官唱贊

贊引官贊就位

皇帝就拜位司香官奉香合進贊引官恭導

皇帝詣香几前立司香官跪進香奏跪

皇帝跪奏上香

皇帝受香合拱舉授司香官興三上香奏復位

皇帝復位奏跪拜興

凡行禮皆有奏

皇帝行三跪九拜禮王公百官均隨行禮奠帛爵行

初獻禮司帛官奉篚司爵官以次奉爵進司帛

官跪奠於帛案三叩司爵官以次立獻爵奠正

中皆退司祝至祝案前跪三叩奉祝版跪案左

皇帝跪羣臣皆跪司祝讀祝畢奉祝版詣

神位前跪安於案三叩退

皇帝率羣臣行三拜禮行亞獻禮司爵官以次獻爵  
奠於左儀如初獻行終獻禮司爵官以次獻爵  
奠於右儀如亞獻

皇帝率羣臣行三跪九拜禮司祝司帛官各進至案  
前一跪三叩奉祝在前次帛恭送燎所

皇帝轉立拜位旁西嚮候祝帛過復位祝帛燎半奏  
禮成恭導

皇帝由

隆恩殿左門出降東階進

陵寢門左門至

明樓前西嚮舉哀鴻臚官引王公百官於

陵寢門外東西面序立隨行禮舉哀畢恭導

皇帝由

隆恩門左門出至兩廂南乘輿還行宮王公百官以

次退

皇陵內府奉祀官恭奉

神位還御

寢室如因慶典

躬行大饗禮

皇帝御禮服陪祀王公百官咸朝服行禮如儀禮成

仍由左階降不詣

明樓前○遣官行禮贊引執事官均用各

陵奉祀禮部贊禮郎讀祝官承祭官及陪祀執事各官

咸朝服是日奉祀官備陳俎豆畢進祝版內監

啓

寢室神龕內府官恭請

神位奉安

寶座贊禮郎豫引陪祀官先進至階下贊引贊禮郎二

人引承祭官由

隆恩門右門入升正面右階於西旁東面立獻茶畢

引至正中北面行禮上香復位由

隆恩殿右門出入讀祝時司祝進至祝案奉祝版由中



門循右闌出於西旁跪讀畢仍循右闌進詣

神位前跪安於案祝帛恭送燎所時引承祭官避立西旁東面餘儀同禮成仍由

隆恩門右門引出陪祀官以次退各易素服跼徹饌闔門贊禮郎引承祭官於

隆恩門外左階上西面各官於階下舉哀畢皆退冬日至暨慶典不舉哀○

孝賢皇后陵寢祭日於未啓

寢室前各執事官陳設俎豆牲牢畢皆退出司祝官  
奉祝版至中門內監接進安設祝案行三叩禮  
司祝於門外左旁隨行禮迺啟龕門祭時尚茶  
獻茶內監於中門接奉奠獻遣官就拜位司香  
內監奉香合進贊引官引遣官至右門止遣官  
自入右門贊引官由門外趨至中門左右贊上  
香復位仍由右門引出奠帛獻爵均以內監將  
事初獻後奉祝內監就祝案司祝進至中門外

右旁各行三叩禮內監奉祝至中門內東面跪授司祝司祝跪受讀畢仍授內監內監跪安於帛篚各三叩如前祝帛送燎內監二人就帛案司祝司帛於中門外兩旁各行一跪三叩禮內監奉祝帛授司祝司帛恭送燎所禮成恭奉神位還御寢室闔門各執事官進殿徹饌餘如前儀凡每年清明上土之禮前一日

皇陵工部官每

陵進設掛紙錢寶花一座各設於

隆恩殿內東旁

歲暮昇出同楮帛焚燎

於附近處取黃土各一擔

如恭遇

躬行上土禮於祭前二刻禮部太常寺堂官二人恭

導內大臣二人後扈王公大臣二人隨進一人

荷土

皇帝素服進至

明樓方城下親荷土王公大臣二人前後翼衛禮部太

常官前導由

明樓東磴道陞方城至東石闌王公大臣以二筐土并

為一筐跪進衆皆止

皇帝奉筐陞跪奠土於

寶頂降授筐王公大臣跪受禮部太常官恭導由原路

出至

隆恩門外入大次竢奉請

神位畢行大饗禮如儀○遣官上土素服奉祀禮部贊

禮郎二人前引一人荷土隨進至方城下遣官  
荷土由

明樓西磴道升方城至西石闌以二筐土并為一筐奉  
筐升跪奠土於

寶頂退引出更朝服行禮如儀

凡祭告之禮

帝后同案各陳果實十二盤羊一酒三爵內監啓

神龕帷幔守

陵王公大臣總管分詣將事奉祀禮部贊禮郎唱贊讀  
祝奠帛獻爵行禮

萬壽聖節不用羊餘儀同

凡朔望致祭之禮陳羊酒果實內監啓

神龕帷幔守

陵王公大臣及內府掌關防官將事奉祀禮部贊禮郎

導引惟十月朔贊禮餘朔望日不贊○

皇貴妃園寢

妃園寢朔望內府官上香行禮

凡

皇子謁

陵之禮

皇子至下馬石牌下馬

皇陵奉祀禮部贊禮郎導引由左階升至

隆恩門階上虛中位於左旁行禮畢立門東西嚮舉

哀如入門禮部官引至



隆恩門右門止內府奉祀官接引至

陵寢門外右旁行禮西立東嚮舉哀祭日由右門進於隆恩殿階上正中行禮○遣官奉祀禮部贊禮郎引王

公於

隆恩門外階上虛中位按翼行禮祭日由右門進於

階上正中行禮○各

妃園寢

皇太子園寢祭日承祭官均由東路行由左門出

入於階上正中行禮○王公有生母在

妃園寢內者行禮畢內府官引由左右門

生母墓在左由

左在右由右

進園寢門左右門至墓前月臺上設奠

凡內府官進爵祭酒舉哀行禮如儀

凡公主

皇子福晉謁

陵之禮是日啓

陵寢門公主福晉至下輿處下輿本

陵女官二人導引由神道西進

隆恩門右門至

陵寢門外虛中位於右旁行六肅三跪三叩禮退立門  
西東嚮舉哀畢女官仍由原路引出至

妃園寢於琉璃花門外行四肅二跪二叩禮畢女  
官引進至墓前月臺上設奠凡女官進爵祭酒  
舉哀行禮如儀

凡出使官員謁

陵之禮親王以下三品以上官奉使

盛京者於

福陵

昭陵門外行三跪九叩禮遇祭饗日二品以上官入門

內隨守

陵官分班陪祀歸時行禮亦如之奉使石門經過者王

貝勒於

昭西陵隆恩門外階上虛中位按翼行三跪九叩禮行

禮時啓門貝子以下三品官以上行禮均不啓

門貝子公於階上蒙古王公暨三品以下官於

階下行禮畢引至

大紅門外正中及左右門外遙望

孝陵

孝東陵

景陵

孝賢皇后陵寢各行三跪九叩禮均由

皇陵奉祀禮部贊禮郎導引歸時不進謁由易州經過者謁

泰陵王公於

隆恩門外三品以上官於

大紅門外行禮儀同

凡忌辰

太祖高皇帝八月十一日

孝慈高皇后九月二十七日

太宗文皇帝八月初九日

孝端文皇后四月十七日

孝莊文皇后十二月二十五日

世祖章皇帝正月初七日

孝惠章皇后十二月初六日

孝康章皇后二月十一日

聖祖仁皇帝十一月十三日

孝誠仁皇后五月初三日

孝昭仁皇后二月二十六日

孝懿仁皇后七月初十日

孝恭仁皇后五月二十三日

世宗憲皇帝八月二十三日

孝敬憲皇后九月二十九日

孝賢皇后三月十一日是日自

大內以下文武有頂帶官員以上皆素服不祭神

不燕會不理刑名



列聖

列后忌辰遣官詣

陵行禮儀同時饗

皇帝親詣

奉先殿

壽皇殿行禮

陵寢祝文

永陵清明祝文

維乾隆

年歲次

二月

朔

越

日孝孫嗣皇帝

御名

謹遣

昭告於

肇祖原皇帝

原皇后

興祖直皇帝

直皇后

欽定大清會典

卷一百一十五

二十九

景祖翼皇帝

翼皇后

顯祖宣皇帝

宣皇后曰茲當新春萬物茂育清明節屆敬薦時馨尚  
饗

孟秋望祝文

曰茲當孟秋宜修時祭謹薦苾芬用申禋祀尚

饗

冬至祝文

曰時當長至萬類萌生節序遷流陽氣來復仰

瞻

啓運祈錫洪庥謹以牲醴庶品用申祭奠尚

饗

歲暮祝文

曰氣序以周歲將更始用修時祭敬薦馨香尚

饗

福陵清明祝文

維乾隆

年歲次

三月

朔越

曰孝孫嗣皇帝

御名

謹遣

昭告於

太祖承天廣運聖德神功肇紀立極仁孝睿武端毅欽  
安弘文定業高皇帝

孝慈昭憲敬順仁徽懿德慶顯承天輔聖高皇后曰茲  
當新春萬物茂育清明節屆敬薦時馨尚

饗

孟秋望祝文

日時當孟秋宜修時祭謹以牲帛醴齊庶品用  
申禋祀尚

饗

冬至祝文

日時當長至萬類萌生節序遷流陽氣來復仰  
瞻

天柱祈錫洪庥謹以牲醴庶品用申祭奠尚

饗

歲暮祝文

曰氣序以周歲將更始用修時祭敬薦馨香尚

饗

忌辰祝文

曰禮重孝饗遇時序而增傷時際諱辰望

山陵而永慕茲因

皇祖忌辰謹以牲醴庶品用申祭獻尚

饗

曰禮重孝饗遇時序而增傷時際諱辰望

山陵而永慕茲因

皇祖妣孝慈高皇后忌辰謹以牲醴庶品用申祭獻尚  
饗

昭陵清明祝文

維乾隆

年歲次

二月

朔越

日孝孫嗣皇帝

御名

謹遣

昭告於



太宗應天興國弘德彰武寬溫仁聖睿孝敬敏昭定隆  
道顯功文皇帝

孝端正敬仁懿哲順慈儉莊敏輔天協聖文皇后曰茲  
當新春萬物茂育清明節屆敬薦時馨尚

饗

孟秋望祝文

曰茲當孟秋宜修時祭謹以牲帛醴齊庶品用  
申禋祀尚

饗

冬至祝文

曰時當長至萬類萌生節序遷流陽氣來復仰

瞻

隆業祈錫洪庥謹以牲醴庶品用申祭奠尚

饗

歲暮祝文

曰氣序以周歲將更始用修時祭敬薦馨香尚

饗

忌辰祝文

曰禮重孝饗遇時序而增傷時際諱辰望

山陵而永慕茲因

皇祖忌辰謹以牲醴庶品用申祭獻尚

饗

曰禮隆孝饗遇時序而增傷時逢諱日望

山陵而永慕茲因

皇祖妣孝端文皇后忌辰謹以牲醴庶品用申祭獻尚饗

昭西陵清明祝文

維乾隆

年歲次

三月

朔越

日孝孫嗣皇帝

御名

謹遣

昭告於

孝莊仁宣誠憲恭懿至德純徽翊天啟聖文皇后曰時  
屆新春萬物滋茂維此清明用申禋祀伏惟尚

饗

孟秋望祝文

曰茲以新秋因時致祭謹以牲帛醴齊庶品敬  
獻伏惟尚

饗

冬至祝文

曰時維長至萬物含生運應陽初瞻望

山陵祈求篤祐虔備牲醴庶品用申禋祀伏惟尚

饗

歲暮祝文

曰時維歲暮節屆履端因時致祭伏惟尚

饗

忌辰祝文

曰禮重孝饗遇時序而增傷時逢諱日望

山陵而永慕茲因

皇祖妣孝莊文皇后忌辰謹以牲醴庶品用申祭奠尚

饗

孝陵清明祝文

維乾隆

年歲次

三月

朔越

日孝孫嗣皇帝

御名

謹遣

昭告於

世祖體天隆運定統建極英睿欽文顯武大德弘功至  
仁純孝章皇帝

孝康慈和莊懿恭惠溫穆端靖崇天育聖章皇后

孝獻莊和至德宣仁溫惠端敬皇后曰時屆新春萬物

滋茂維此清明用申祭奠伏惟尚

饗

孟秋望祝文

曰茲以孟秋因時致祭謹以牲帛醴齊庶品敬  
獻伏惟尚

饗

冬至祝文

曰時維長至萬類含生運應陽初瞻望

山陵祈求篤祐虔備牲酒庶品用申祭奠伏惟尚



饗

歲暮祝文

曰時維歲暮節屆履端虔備庶品因時致祭伏  
惟尚

饗

忌辰祝文

曰禮重孝饗過時序而增傷時逢諱日望

山陵而永慕茲因

皇祖忌辰謹以牲醴庶品用申祭奠尚

饗

曰禮重孝饗過時序而增傷時逢諱日望

山陵而永慕茲因

皇祖妣孝康章皇后忌辰謹以牲醴庶品用申祭獻尚  
饗

孝東陵清明祝文

維乾隆

年歲次

三月

朔越

日孝孫嗣皇帝御名謹遣

昭告於

孝惠仁憲端懿慈淑恭安純德順天翼聖章皇后曰清  
明屆節萬類用昌敬薦馨香聿申祭享伏惟尚  
饗

孟秋望祝文

曰茲屆孟秋時修裡祀謹以牲帛醴齊庶品敬  
獻伏惟尚

饗

冬至祝文

日時維長至一陽復始玉律迎和遙望

山陵永惟瞻慕虔備牲酒庶品用申祭奠伏惟尚

饗

歲暮祝文

日時維歲暮節屆履端虔備庶品因時致祭伏

惟尚

饗

忌辰祝文

曰禮重孝饗撫時序而增傷時際諱辰望

山陵而永慕茲因

皇祖妣孝惠章皇后忌辰謹以牲醴庶品用申祭獻尚  
饗

景陵清明祝文

維乾隆

年歲次

三月

朔越

日孝孫嗣皇帝

御名

謹遣

昭告於

聖祖合天弘運文武睿哲恭儉寬裕孝敬誠信中和功  
德大成仁皇帝

孝誠恭肅正惠安和淑懿儷天襄聖仁皇后

孝昭靜淑明惠正和安裕欽天順聖仁皇后

孝懿溫誠端仁憲穆和恪奉天佐聖仁皇后

孝恭宣惠溫肅定裕慈純贊天承聖仁皇后曰清明節

屆物候頻遷虔備庶品因時致祭伏惟尚

饗

孟秋望祝文

曰節屆中元秋氣始肅用修時祭特薦維馨伏

惟

昭格尚

饗

冬至祝文

曰節屆陽初日逢南至永懷

怙恃莫逮瞻依遙望

山陵肅陳俎豆伏惟

昭格鑒此馨香尚

饗

歲暮祝文

曰時維歲暮節屆履端虔備庶品因時致祭伏  
惟尚

饗

忌辰祝文



曰禮隆孝饗遇時序而增傷時際諱辰望

山陵而永慕茲因

皇祖忌辰謹以牲醴庶品用申祭獻尚

饗

曰禮隆孝饗撫時序而增傷時際諱辰望

山陵而永慕茲因

皇祖妣孝誠仁皇后忌辰謹以牲醴庶品用申祭獻尚

饗

孝昭仁皇后忌辰

孝懿仁皇后忌辰

孝恭仁皇后忌辰祝文同

泰陵清明祝文

維乾隆

年歲次

二月

朔越

日孝子嗣皇帝

御名

謹遣

昭告於

皇考世宗敬天昌運建中表正文武英明寬仁信毅大  
孝至誠憲皇帝

皇妣孝敬恭和懿順昭惠佐天翊聖憲皇后曰節屆清明感深春露虔修時祭肅薦維馨伏惟尚

饗

孟秋望祝文

曰玉露初零金風應候中元節屆肅薦馨香伏惟尚

饗

冬至祝文

曰葭琯初調日當長至永懷

顧復莫報

恩勤瞻望

山陵虔陳牲醴伏祈

昭鑒俯賜

格歆尚

饗

歲暮祝文

曰節近履端因時餞歲敬陳柏酒

鑒此苾芬伏惟尚

饗

忌辰祝文

曰欽惟

皇考世宗憲皇帝

德合乾坤

道光日月

聰明睿智十三年普被照臨

文武聖神千百國咸歸廣運綜憲承之謨烈

佑啟詒庥仰陟降之

神明音容如在恭逢諱日愴念終天陳筵几以伸忱

撫歲時而增感

澤餘寰海方深遺慕於

山陵露湛松楸彌切追思於風木伏祈

昭格俯

鑒必芬尚

饗

曰深秋屆候諱日驚心愴霜氣之寒凝痛

慈顏之永隔春暉莫報孺慕無窮瞻企

山陵肅陳奠醊伏祈

昭鑒俯賜格歆尚

饗

孝賢皇后陵寢清明祝文

維乾隆

年歲次

三月

朔越

日

皇帝遣

致祭於

孝賢皇后之靈曰懿則垂芳清明屆序肆陳瑤享用

迓雲輶尚

饗

孟秋望祝文

曰坤教常昭中元應候苾芬式薦靈爽斯憑尚



饗

冬至祝文

曰時逢長至瞻念坤儀爰薦馨香庶期來格尚

饗

歲暮祝文

曰歲月其除坤貞永著用修嘉薦惟冀居歆尚

饗

忌辰祝文

曰融風應候諱日縈懷睇淑序之頻遷愴徽音  
之長逝追維懿德鐫琬琰以難窮瞻企儀型閱  
歲時而彌永撫三春而增感覽百世以含悽薦  
此必芬靈其歆格尚

饗

景陵皇貴妃園寢清明祝文

維乾隆

年歲次

三月

朔越

日

皇帝遣

致祭於

愍惠皇貴妃之靈曰禁煙節屆雨露既濡用薦必

芬庶幾歆格尚

饗

孟秋望祝文

曰序屆初秋白露既肅爰將祀事庶克歆承尚

饗

冬至祭文

曰序屆仲冬一陽來復用修時祀庶達馨香尚  
饗

歲暮祭文

曰歲周星紀臘謝春回爰展祀儀載歌載格尚  
饗

景陵妃園寢清明祝文

維乾隆

年歲次

三月

朔越

日

皇帝遣

致祭於

溫僖貴妃

慧妃

惠妃

宜妃

榮妃

平妃

良妃

宣妃

成妃

順懿密妃

純裕勤妃

定妃之靈曰陽和應候節屆清明爰薦苾芬庶其

來格尚

饗

孟秋望祝文

曰序屬中元秋露始降感時展祭用達馨香尚

饗

冬至祭文

曰一陽始升節屆長至聿申時祀庶克歆承尚

饗

歲暮祝文

曰時當餞臘節序將新芬苾載陳庶幾歆格尚

饗

泰陵妃園寢清明祝文

維乾隆

年歲次

三月

朔越

日

皇帝遣

致祭於

齊妃

寧妃之靈曰陽和應候序屬清明式薦苾芬庶其

來格尚

饗



孟秋望祝文

曰秋露既零中元節屆感時陳祭來格來歆尚

饗

冬至祝文

曰律轉初陽候逢長至聿修時祀用達馨香尚

饗

歲暮祝文

曰節逢除歲淑氣方回酒醴式陳用申時祭尚

饗

端慧皇太子園寢清明祝文

維乾隆

年歲次

二月

朔越

日

皇帝遣

諭祭於端慧皇太子之靈曰榆火方新物候初易  
薦以馨香尚其來格

孟秋望祝文

曰秋氣始肅節屆中元撫時以祀用克歆承  
冬至祝文

曰律回舜瑄氣以昇新芬必載陳尚其歆饗  
歲暮祝文

曰歲聿云莫斗杓回春修我時祀以薦維馨

欽定大清會典卷四十二

# 欽定四庫全書

史部

欽定大清會典卷四十三至五

詳校官檢討<sub>臣</sub>劉圻

編修<sub>臣</sub>程嘉謨覆勘

總校官進士<sub>臣</sub>楊懋珩

校對官修撰<sub>臣</sub>吳錫齡

謄錄監生<sub>臣</sub>周翥華

繪圖監生<sub>臣</sub>周緯

欽定四庫全書

欽定大清會典卷四十三

禮部

祠祭清吏司

大祀四

凡祭

社稷之禮崇建

社稷壇於

端門之右為壇二成上敷五色土如其方色歲春  
祈秋報皆以仲月上戊日祭

太社

太稷之神以

后土句龍氏

后稷氏配

太社位右

太稷位左均北嚮

后土句龍氏東位西嚮

后稷氏西位東嚮

太社

太稷各方珪一

色一黃  
一青

帛一牛一羊一豕一登一鉶

二簠簋各二籩豆各十有二尊一玉爵一陶爵

二鑪一鐙二

后土句龍氏

后稷氏各帛一牛一羊一豕一登一鉶二簠簋各

二籩豆各十有二尊一陶爵三鑪一鐙二先祭  
一日樂部設中和韶樂於壇下分左右懸祭日  
鑾儀衛陳法駕鹵簿於

午門外陳金輦於

太和門階下日出前四刻太常卿詣

乾清門告時

皇帝御祭服乘禮輿出宮內大臣侍衛前引後扈如  
常儀至



太和門階下降輿乘輦

駕發警蹕

午門鳴鐘法駕鹵簿前導不陪祀王以下各官咸朝服跪送導迎鼓吹設而不作

皇帝由闕右門至壇北門外神路右降輦贊引太常卿二人恭導入壇北門右門詣戟門幄次禮部尚書率太常官恭請

神位安奉畢太常卿奏請行禮

皇帝出幄次盥洗贊引官恭導

皇帝至內壝北門外拜位前南嚮立鴻臚官引陪祀

王公至拜殿南百官至拜殿東西隅各就位序

立典儀官贊樂舞生登歌執事官各共迺職

以下

自迎神至送神望  
瘞皆典儀官唱贊

武舞八佾進贊引官奏就位

皇帝就拜位立迺瘞毛血迎

神司香官二人奉香盤升壇司樂官贊舉迎

神樂奏登平之章

凡舉樂皆司樂  
官唱贊後同

贊引官奏陞壇恭

導

皇帝進內壝北門陞壇詣

太社位前司香官跪進香贊引官奏跪

皇帝跪奏上香

皇帝上柱香次三上辦香興次詣

太稷位前上香儀同奏復位

皇帝復位司香官二人以次升壇詣東西

配位前上香畢退贊引官奏跪拜興

以下跪拜  
興皆有奏

皇帝行三跪九拜禮王公百官均隨行禮奠玉帛行  
初獻禮司玉帛官奉篚司爵官奉爵各升壇詣  
太社

太稷位前奏茂平之章舞千戚之舞司玉帛官跪奠  
玉帛三叩司爵官跪獻爵奠正中

配位前奠帛獻爵儀同皆退司祝至祝案前跪三  
叩奉祝版興升壇稍西跪樂暫止

皇帝跪羣臣皆跪司祝讀祝畢詣

太社位前跪安於案三叩退樂作

皇帝率羣臣行三拜禮興樂止武功之舞退文舞八佾進行亞獻禮奏育平之章舞羽籥之舞司爵

官詣

神位前跪獻爵奠於左儀如初獻行終獻禮奏敦平

之章

舞同  
亞獻

司爵官跪獻爵奠於右儀如亞獻樂

止文德之舞退太常官贊

賜福胙光祿卿二人自壇下西案奉福胙升壇進至

神位前拱舉降階出內壝北門立

皇帝拜位之右侍衛二人進立於左

皇帝跪左右執事官皆跪右官進福酒

皇帝受爵拱舉授左官進胙受胙亦如之三拜興率

羣臣行三跪九拜禮徹饌奏博平之章有司奉

方珪退送

神奏樂平之章

皇帝率羣臣行三跪九拜禮有司奉祝次帛次饌次

香恭送瘞所

皇帝轉立拜位旁西嚮候祝帛過復位迺望瘞奏徵  
平之章恭導

皇帝詣望瘞位望瘞奏禮成恭導

皇帝由戟門出禮部尚書率太常官恭請

神位還御

皇帝至壇北門外神路右陞禮輿法駕鹵簿前導導

迎樂作奏祐平之章

皇帝回鑾王公從各官以次退不陪祀王公百官朝服於

午門外跪迎

午門鳴鐘王公隨

駕入至內金水橋恭候

皇帝還宮各退○因事祇告遣官將事太常卿率所屬恭請

太社



太稷神位奉安壇上陳帛二尊爵鑪鐙如常祭薦脯  
醢果實太常贊禮郎二人引遣官入社稷街門  
由壇南門入循內壝西行至內壝北門外拜位  
行禮餘儀均與常祭同○歲孟夏常雩後不雨  
既祈

神祇

太歲如未應越七日迺祈於

太社

太稷並設

配位薦玉遣官素服將事作樂行禮樂章迎

神奏延豐奠玉帛初獻奏介豐亞獻奏滋豐終獻奏  
霈豐徹饌奏綏豐送

神奏貽豐望瘞奏溥豐文武官應陪祭者咸與祈禱  
其儀物與因事祇告同得雨報祭與常祭同水  
潦祈晴冬旱祈雪禮亦如之○直省府州縣各  
擇爽塏之地建

社稷壇均北嚮歲以春秋仲月上戊日為民祈報  
會城則總督若巡撫主之道官分治各府者於  
所治主其祭其餘府州縣皆正官將事以各學  
教官糾儀生員充禮生會城以丞倅府州縣以  
掾史執事

社

稷位前各帛一鉶二簋二簋二籩四豆四爵三共  
羊一豕一尊一祭日雞初鳴承祭官以下咸朝

服齊集黎明贊引禮生二人引承祭官詣盥洗

所盥洗通贊禮生贊執事者各司其事

以下自迎神至

望瘞皆唱贊

贊引禮生贊就位引承祭官至階前拜

位立引班禮生二人分引陪祭官文東武西

班與

外省朝賀同

各就拜位序立迺迎

神贊引贊升壇引承祭官升壇詣香案前司香跪

奉香贊引贊上香承祭官三上香贊復位引承

祭官降復位贊跪叩興

以下行禮皆有贊

承祭官行三

跪九叩禮陪祭各官皆隨行禮奠帛初獻爵司帛奉篚進跪奠篚司爵奉爵進獻爵奠正中皆退司祝禮生至祝案前跪承祭官暨陪祭各官皆跪司祝讀祝畢詣

神位前跪安於案叩如初退承祭官暨陪祭各官行三叩禮亞獻爵奠於左終獻爵奠於右均儀如初獻迺徹饌送


神承祭官行三跪九叩禮陪祭各官皆隨行禮司

祝奉祝司帛奉帛恭送瘞所承祭官轉立拜位  
西旁東面候祝帛過復位引至望瘞位望瘞贊  
引告禮成引退衆皆退

欽定大清會典卷四十三



社稷壇大祭圖




坎癸

官化陽

陰化官



社稷壇遣官祇告圖



社稷壇大祭陳設圖

正位北嚮

配位東西嚮

正位

太稷暨



配位陳設同

社稷壇遠官祇告陳設圖

正位

太稷同祈雨設

配位陳設皆同報祭陳設與常祭同



欽定四庫全書

欽定大清會典卷四十四

禮部

祠祭清吏司

中祀一

凡朝

日之禮兆陽位於東郊其制一成歲以春分迎

日出祀

大明甲丙戌庚壬年

皇帝親朝

日奉

大明位西嚮赤壁一帛一牛一羊一豕一登一釶二

簠簋各二遷豆各十尊一爵三琖三十鑪一鐙

二先祀一日樂部設中和韶樂於壇下分左右

懸祀日鑒儀衛陳法駕鹵簿於

午門外日出前八刻太常卿詣

乾清門告時

皇帝御禮服乘禮輿出宮前引後扈如常儀

駕發警蹕

午門鳴鐘法駕鹵簿前導不陪祀王公百官咸朝  
服跪送導迎鼓吹設而不作鑾儀衛校鳴壇內

鐘

皇帝至壇北門外降輿贊引太常卿二人恭導

皇帝由壇北門中門入詣具服殿更祭服禮部尚書

率太常官恭請

神位安奉壇上畢太常卿奏請行禮

皇帝出具服殿盥洗贊引太常卿恭導

皇帝入內壝左門由中階陞壇至黃幄次拜位前東

嚮立鴻臚官引陪祀王公入內壝門位階下百

官位內壝門外左右序立均東面典儀官贊樂

舞生登歌執事官各共迺職

以下迎神至送神  
皆典儀官唱贊

武舞八佾進贊引官奏就位

皇帝就拜位立迺迎

神司香官奉香盤進司樂官贊舉迎

神樂奏寅曦之章

凡舉樂皆司樂官唱贊

贊引官奏就上香位

恭導

皇帝詣香案前司香官跪進香贊引官奏跪

皇帝跪奏上香

皇帝上柱香次三上辦香興奏復位

皇帝復位奏跪拜興

以下行禮皆有奏

皇帝行三跪九拜禮王公百官均隨行禮迺奠玉帛  
司玉帛官奉篚進奏朝曦之章司玉帛官跪奠  
玉帛三叩退行初獻禮司爵官奉爵進奏清曦  
之章舞千戚之舞司爵官立獻爵奠正中司祝  
至祝案前跪三叩奉祝版跪案左樂暫止

皇帝跪羣臣皆跪司祝讀祝畢詣

神位前跪安於案三叩退樂作

皇帝率羣臣行三拜禮興樂止武功之舞退文舞八



佾進行亞獻禮奏咸曦之章舞羽籥之舞司爵  
官獻爵奠於左儀如初獻行終獻禮奏純曦之  
章舞與亞獻同司爵官獻爵奠於右儀如亞獻樂止  
文德之舞退太常官贊答福胙光祿卿二人就  
南案奉福胙至

神位前拱舉降立於

皇帝拜位之右侍衛二人進立於左

皇帝跪左右執事官皆跪右官進福酒

皇帝受爵拱舉授左官進胙受胙亦如之三拜興率羣臣行二跪六拜禮徹饌奏延曦之章有司詣神位前奉赤璧退送

神奏歸曦之章

皇帝率羣臣行三跪九拜禮有司奉祝次帛次饌次香恭送燎所

皇帝轉立拜位旁北嚮候祝帛過復位樂作祝帛燎半奏禮成恭導

皇帝出內壝左門入具服殿更衣禮部尚書率太常  
官恭請

神位還御

皇帝出至壇北門外陞輿法駕鹵簿前導導迎樂作  
奏祐平之章

皇帝回鑾王公從各官以次退不陪祀王公百官於  
午門外跪迎

午門鳴鐘王公隨

駕入至內金水橋恭候

皇帝還宮各退○遣官行禮由北門左門入內壝門  
右門行禮於壇下上香升壇升降均由右階贊  
引以太常贊禮郎祝帛送燎位避立右旁王公  
不陪祀百官陪祀如儀

凡夕

月之禮兆陰位於西郊其制一成歲以秋分迎

月出祀

夜明以

北斗五星二十八宿周天星辰配丑辰未戌年

皇帝親夕

月奉

夜明位東嚮

配位南嚮均設玉色幄

夜明位白壁一帛一牛一羊一豕一登一釧二簋

各二籩豆各十尊一爵三琖三十鑪一鐙二

配位帛十有一牛一羊一豕一登一釧二簋各

二籩豆各十尊一爵三琖三十鑪一鐙二祀日

樂部豫設中和韶樂於壇下分左右懸鑾儀衛

陳法駕鹵簿於

午門外日入前四刻太常卿詣

乾清門告時

皇帝御禮服乘禮輿出宮前引後扈如常儀

駕發警蹕

午門鳴鐘法駕鹵簿前導不陪祀王公百官咸朝服跪送導迎鼓吹設而不作鑾儀衛校鳴壇內

鐘

皇帝至壇北門外降輿贊引太常卿二人恭導

皇帝由壇北門中門入詣具服殿更祭服禮部尚書

率太常官恭請

神位安奉壇上畢太常卿奏請行禮

皇帝出具服殿盥洗贊引太常卿恭導

皇帝入內壝左門由中階陞壇至黃幄次拜位前西

嚮立太常贊禮郎引分獻官入內壝右門至階

前甬道北立鴻臚官引陪祀王公入內壝門位

階下百官位內壝門外左右序立均西面典儀

官贊樂舞生登歌執事官各共迺職

以下迎神至送神皆



典儀官  
唱贊

武舞八佾進贊引官奏就位

皇帝就拜位立迺迎

神司香官各奉香盤進司樂官贊舉迎

神樂奏迎光之章

凡舉樂皆司  
樂官唱贊

贊引官奏就上香位

恭導

皇帝詣

正位香案前司香官跪進香贊引官奏跪

皇帝跪奏上香

皇帝上柱香次三上辦香興奏復位

皇帝復位太常贊禮郎引分獻官由北階升壇詣

配位前上香畢降階退立原位奏跪拜興

以下行禮皆有

奏

皇帝行二跪六拜禮分獻官王公百官均隨行禮奠

帛行初獻禮司玉帛官各奉籩司爵官各奉爵

進奏升光之章舞千戚之舞司玉帛官各奠玉

帛行三叩禮司爵官各獻爵奠正中退司祝至

祝案前跪三叩奉祝版跪案左樂暫止

皇帝跪羣臣皆跪司祝讀祝畢詣

正位前跪安於案三叩退樂作

皇帝率羣臣行三拜禮興樂止武功之舞退文舞八  
佾進行亞獻禮奏瑤光之章舞羽籥之舞司爵  
官獻爵奠於左儀如初獻行終獻禮奏瑞光之

章

舞與亞  
獻同

司爵官獻爵奠於右儀如亞獻

配位獻爵儀均同樂止文德之舞退太常官贊答

福胙光祿卿二人就北案奉福胙至

正位前拱舉降立於

皇帝拜位之右侍衛二人進立於左

皇帝跪左右執事官皆跪右官進福酒

皇帝受爵拱舉授左官進胙受胙亦如之三拜興率

羣臣行二跪六拜禮徹饌奏涵光之章有司詣

正位前奉白璧退送

神奏保光之章

皇帝率羣臣行二跪六拜禮有司奉祝次帛次饌次香恭送燎所

皇帝轉立拜位旁南嚮候祝帛過復位樂作祝帛燎半奏禮成恭導

皇帝出內壝左門入具服殿更衣禮部尚書率太常官恭請

神位還御

皇帝至壇北門外陞輿法駕鹵簿前導導迎樂作奏

祐平之章

皇帝回鑾王公從各官以次退不陪祀王公百官於  
午門外跪迎

午門鳴鐘王公隨

駕入至內金水橋恭候

皇帝還宮各退○遣官行禮由壇北門左門入內壝  
門右門上香時升降由右階分獻官位在遣官  
後之左升降由左階行二跪六叩禮餘儀與朝

日遣官同

欽定四庫全書




欽定大清會典


欽定大清會典卷四十四



朝  
日  
壇  
總  
圖



朝壇祭祀圖



鴻臚卿  
詹事府  
寺卿

鴻臚卿  
詹事府  
寺卿


官祀啓

陪祀官


官祭事

朝  
日壇陳設圖  
正位西嚮


大明之神



夕  
月壇總圖



月壇祭祀圖



夕  
月壇陳設圖  
正位東嚮

夜明之神

夕  
月壇陳設圖  
配位南嚮

配位

奠  
鹿脯  
百餅  
黑餅  
栗  
榛  
菱

爵 三 盞 酒  
銅和羹  
登太羹  
形鹽  
黍  
稷  
粱  
羊  
豕  
牛

燭 香 燭

豆 菁酒  
非醢  
醢醢  
醢醢  
脾析  
豚拍

遵  
棗  
栗  
榛  
菱  
芡  
膚  
白餅  
醢餅

爵 三 盞 酒  
銅和羹  
登太羹  
形鹽  
黍  
稷  
粱  
羊  
豕  
牛

燭 香 燭

豆 菁酒  
非醢  
醢醢  
醢醢  
脾析  
豚拍

燭 燭

康熙六十年四月初六日奉

旨朕披覽史冊於前代帝王每加留意書生輩但知譏評  
往事前代帝王雖無過失亦必刻意指摘論列短長無  
一人為帝王公言者朕見歷代帝王廟每朝崇祀不過  
一二主或廟享其子而不及其父或配食其臣而不及  
其君皆因書生議論而定其未允當况前代帝王曾為  
天下主後世之人俱分屬臣子而可輕肆議論定其宗  
祀與不崇祀乎今宋明諸儒人尚以其宜附孔廟奏請

甚多至古帝王宜入廟崇祀從未有人奏請前代帝王  
皆無後裔後之君天下者繼其統緒即當崇其祀典朕  
君臨宇內不得不為前人言也朕意以為凡曾在位除  
無道被弑亡國之主此外盡應入廟即一二年者亦宜  
入廟崇祀爾等將朕此旨寫出會同從容詳議具奏欽  
此

康熙六十一年四月初三日奉

旨這所議應崇祀之處皆是但其中尚有應詳細斟酌者



明代甚近朕少時嘗問有明遺舊宦官愍帝無甚過失  
皆由萬厯泰昌天啟時衰微及至愍帝雖勵精圖治終  
不能補救也國之滅亡皆伊祖所壞於愍帝何涉裨官  
野史所載豈足為憑愍帝不可與亡國者一例同論而  
萬厯泰昌天啟實不應入崇祀之列至從前所配享之  
功臣大概皆開國元勲居多如明之徐達不過一草莽  
武夫劉基係元之進士皆遭遇成功遂以元勲配享耳其  
有治安之世輔佐太平有功君國者反不得與配享之

列是皆未為允當大學士會同九卿詹事科道將此等處詳悉從容確議具奏欽此

乾隆四十九年七月初二日奉

上諭朕因覽四庫全書內大清通禮一書所列廟祀歷代帝王位號乃依舊會典所定有所弗愜於心敬憶皇祖實錄有勅議增祀之諭令查取禮部原議紅本則係康熙六十一年十一月內具題爾時諸臣不能仰體

聖懷詳細討論未免因陋就簡我

皇祖諭旨以凡帝王曾在位者除無道被弑亡國之主此外盡應入廟即一二年者亦應崇祀煌煌

聖訓至大至公上自義軒下至勝國其間聖作明述之君守文繼體之主無不馨香妥侑不特書生臆論無能仰喻

高深即歷代以來升歆議禮未有正大光明若此者也乃會議疏內聲明偏安亡弑不入祀典而仍入遼金二朝不入東西晉元魏前後五代未免意有偏向視若

仰承

聖意而實顯與

聖諭相背朕意若謂南北朝偏安不入正統則遼金得國亦未奄有中原何以一登一點適足啟後人之訾議即因東西晉前後五朝有因篡得國擯而不列如操丕不得為正統之例殊不知三國時正統在昭烈故雖以陳壽三國志之尊魏抑蜀而卒不能奪萬世之公評至司馬氏篡竊以還南朝神器數易如宋武帝

掘起丹徒手移晉祚自不能掩其篡奪之罪其他雖  
祖宗得國不正而子孫能繼緒承休即為守文中主  
亦不可概從缺畧況自漢昭烈以至唐高祖統一區  
夏時之相去三百餘年其間英毅之辟節儉之主史  
不絕書又安可置而不論至於後五代如朱溫以及  
郭威或起自寇竊或身為叛臣五十餘年更易數姓  
中華統緒不絕如綫然周世宗承藉郭氏餘業憑有  
疆域尚不失為令主此而概不列入則東西晉前後

五代數百年間創守各主祀典缺如何以協千秋公  
論他若元魏雄據河北地廣勢強太武道武勤思政理  
講學興農亦可為偏安英主並當量入祀典以示表  
章朕前命館臣錄存楊維禎正統辨諭內詳晰宣諭  
以維禎所辨正統在宋不在遼金之說為是所以存  
春秋綱目之義見人心天命之攸歸且檢閱孫承澤  
春明夢餘錄所載明代崇祀古帝王位號原未列  
遼金二朝今帝王廟崇祀遼金而不入東西晉前後

五代似此互相入主出奴伊於何底是皆議禮諸臣有懷偏見明使後世臆說之徒謂本朝於歷代帝王未免區分南北意存軒輊甚失

皇祖降諭之本意也至明之亡國由於神熹二宗紀綱隳而法度弛愍帝嗣統時國事已不可為雖十七年身歷勤苦不能補救傾危卒且身殉社稷未可與荒淫失國者一例而論是以

皇祖睿裁將神熹二宗撤出而愍帝則

特令廟祀

褒貶予奪毫釐不爽實千古大公定論乃諸臣於定議時轉復將漢之桓靈增入豈未思炎漢之亡亡於桓靈而不亡於獻帝乎從前定議未將東漢全局詳審論斷轉使昏闇之君濫叨廟食所議未為允協夫自古帝王統緒相傳易代以後饗祀廟庭原以報功崇德至於嚴篡竊之防戒守成之主或予或奪要必衷於至當而無所容心於其間方協彰瘅之義所有歷代



帝王廟祀典著大學士九卿更行悉心詳議具奏並著於定議後交四庫館恭錄

皇祖諭旨並朕此旨於通禮廟饗卷首以昭殷鑒歷朝垂示萬年之至意欽此

乾隆四十九年七月二十八日奉

上諭據大學士九卿等會議增祀兩晉元魏前後五代各帝王一摺並聲請唐憲宗金哀宗應否一體增祀等語憲宗處唐中葉各鎮節度憑陵跋扈僭叛不臣

憲宗命將專征削平淮西厥功頗偉在有唐一代中  
尚屬英主其末年被弑係禍變猝乘與荒亂失德召  
變致衅者不同至金哀宗處衰弱之時國勢已不可  
問推其致敗之由實因熙宗海陵淫虐階厲哀宗自  
縊殉國與明之愍帝事同一例自應一體增祀餘俱  
著照所議行欽此